

第廿一

皇朝道咸同光奏議

秀水 王延熙翼亭 編輯
王樹敏政聲

兵政類刪匪

恭報馳抵粵西即赴柳州暫駐籌剿疏

李星沅

屬臣於道光三十年十一月二十日奉

諭作為欽差大臣迅赴粵西剿辦賊匪即於二十一日由長沙兼程過桂林抵

令由思恩百色行經南甯一帶探明何處有賊立即向前轟擊無稍逗留統計著剿大畧要在振士氣而寒賊膽合羣力以固

民心誠如

聖諭解散脅從之黨堵截分竄之路謹就現在情形約舉六條另片繕呈

御覽祇候

訓示遵行至軍

務應變神明存乎其人臣惟有信賞必罰殫竭血誠和衷商推迅圖攻剿以期上紓

宸念

一整軍伍客兵人衆氣驚易形龐雜必先申明紀律靜密無譁俾將有謀而兵聽之兵有勇而將察之冠至不驚冠去不怒

小挫無法小勝無驕總以扼要分捕為目前要著又兵器利則膽壯如應添槍礮火藥等件已飭省局趕辦又地雷火箭湖

南製造較精現擬咨明撫臣委員上緊監造陸續押運前來以濟緩急 一聯兵勢賊匪無定數官兵有定數衆寡頗不相

一整軍伍客兵人衆氣驚易形龐雜必先申明紀律靜密無譁俾將有謀而兵聽之兵有勇而將察之冠至不驚冠去不怒

小挫無法小勝無驕總以扼要分捕為目前要著又兵器利則膽壯如應添槍礮火藥等件已飭省局趕辦又地雷火箭湖

南製造較精現擬咨明撫臣委員上緊監造陸續押運前來以濟緩急 一聯兵勢賊匪無定數官兵有定數衆寡頗不相

令由思恩百色行經南甯一帶探明何處有賊立即向前轟擊無稍逗留統計著剿大畧要在振士氣而寒賊膽合羣力以固

民心誠如

聖諭解散脅從之黨堵截分竄之路謹就現在情形約舉六條另片繕呈

御覽祇候

訓示遵行至軍

務應變神明存乎其人臣惟有信賞必罰殫竭血誠和衷商推迅圖攻剿以期上紓

宸念

一整軍伍客兵人衆氣驚易形龐雜必先申明紀律靜密無譁俾將有謀而兵聽之兵有勇而將察之冠至不驚冠去不怒

小挫無法小勝無驕總以扼要分捕為目前要著又兵器利則膽壯如應添槍礮火藥等件已飭省局趕辦又地雷火箭湖

南製造較精現擬咨明撫臣委員上緊監造陸續押運前來以濟緩急 一聯兵勢賊匪無定數官兵有定數衆寡頗不相

敵亟須相度地形彼此列為犄角水陸互為聲援無令圍於一處即臣等駐劄處所惟視賊氛所向何處切近何處緊隨時酌定行營三路居中調遣賊影小則分擊大則合圍前則迎截後則追剿漸偏漸近漸少庶不終於散漫一偵賊情地方被賊擾害已及兩年其孰長孰短當令官兵共悉連日密切探訪如賊恃火雖必用藤牌遮欄利刃直接賊熟水路必於過渡轟殺兩岸伏兵賊利在飽戰必從間道襲之而以疑兵迷其往賊利在驟戰必遣游鋒擾之而以勁卒擊其衰臣即密商署撫臣及提臣遴選驍健將備親為指授無許漏洩一散賊黨股匪裹脅日眾其中豈無良懦強為附和即偶知自悔亦恐官繩以法臣即剴切出示曉以利害攝以聲威令其速自解散各營生計以冀化莠為良地方多一良民即少一賊匪其有殺賊自贖臣即酌賞勸果能擒渠獻敵量為破格遷恩似亦釜底抽薪之法一嚴守望粵西山水交錯地方寫遠賊已到處蔓延勢不能全資兵力故以兵衛民尤宜使民自衛有賊處利用剿無賊處利用守其法以保甲團練相輔而行小村併入大村平處移向險處樁築堡人糧聚集失業者得以僱趁可免從匪誠能堅壁清野賊至無所得食且進退牽綴不敢縱其所之將不戰而亦困一廣投効粵西地瘠民貧連年倍形困苦地方官疲於奔命亦幾智盡能索實皆勉力支持故欲壁壘一新惟在得人而理如有文武官紳情願投營効用無論本省他省均擬量材收錄藉資群策群力或能捐資助餉及捐辦軍火器械亦即由糧臺分別驗收冊報事竣核實奏獎以期事半功倍

初到粵西詳陳賊勢軍情疏

廣西巡撫 周天爵

奏為初到粵西沿途探問及諸處稟報賊情情形勢及釀禍原委宜痛懲已往以儆將來恭摺具奏仰祈 聖鑒事伏維用兵之法首在審已之短長而後由已計彼按兵法以賞罰孰明法令執行兵眾孰強士卒孰練為人事第一要務蓋盜賊之性雖皆兇頑固亦未嘗不畏誅討夫維疆吏賞罰混淆多及官之案無不匿報迨捕獲之賊又多方護惜自生疑畏遂改重情施以薄懲減擬軍流以致逃回愈熾賊膽愈張而我兵弁少知奮勇者束縛至急而反責以馳驟一有誤擊審明即釋可也而固施一重罪益有犯總貴賊四十棍而獲遣罪者以是賊益張而我兵法而愈怯此兵盜強弱實在之原委也至被害之民必恃官府之威令控告之得理然後責以守望而與之角廣西歷任撫臣則不然民控搶劫姦淫如訴諸木偶退而銜冤號泣之聲各散諸風雨盜賊習知官府之不彼與也益從而讐脅之民不任其苦知官府之不足恃也亦遂靡然而從賊是盜賊益無所畏而

劫殺日頻知官府避罪而必為之諱也百姓益無所恃而從賊日眾加以廣東高廉惠潮番禺諸處之鄉勇山清遠英德已
送洋煙之悍棍來而為之領袖蓋自道光二十六年以至於今守備千把兵丁死者不下千餘報者不過千百之一二由是兵
膽俱裂民心日搖又已革撫臣鄭祖琛每逢決囚必為之經醮祈福或將行決之犯擅行釋回其勢非釀成大禍而不已查粵西
界連安南巖疆之地正宜宣

上威德奮厥武衛以綏民徭何至致釋子之所為至於如此而閔正鳳諱飾陣亡之將弁以
為病故自賊滋事以來從未親蒞戎行惟陳亞漬既敗之後零賊無多乃視師一次其他任兵弁之魚肉而一無顧惜夫以數
郡之生靈數十萬百姓之膏血膏由於戶祿牧猾之庸臣釀之豈不痛哉凡此非臣奉 飭查辦之件本非所宜言然不指其
受病之源則別無救之之法臣謂賞罰號令不可不肅以儆將來者此也至若賊情形勢其氣餒正熾又皆居水陸之上游其
最兇無如大黃江一股為高地會之首逆韋元蚺等自道光十三年謀為不軌趁機於今昔山臨水隅落向連蔓延南甯太平

數千里皆占據險阻為扼吭拊背之勢賊不可謂無謀矣豈可因一二小勝而忽之然制其死命誠不出我 皇上聖明洞
鑒之中總期兵多力厚將賊匪屯聚最多之處先行掃除他股畏懾軍威定能望風瓦解太哉 聖謨逆賊已在掌握中矣

臣近接 欽差大臣李星沅函商欲先斷其接濟大兵彙集俾之坐困成擒又提臣向榮欲偏賊大隊於一處志在合剿均為
至要惟大局雖定行之甚不易易夫斷接濟之法非親視其地更有幹才可委其間緩急疎密之宜如何能周武將惟 臣向榮

一人可靠設賊以一股綴之使不敢動而視他將若無人焉水陸俱下猝不及備則潯梧一帶大事去矣而平樂近接省垣 臣
初到省覽其形勢雄壯憑山臨水誠為金湯惟四關廂內外人煙稠密火攻易施賊一到必至自相焚蹂躪巍雄鎮但幸無事

不可有事 臣日夜思之不能食寢夫自古用兵最忌賊據水陸上游何況山河陡峻水急流湍層巒疊嶂林木翳翳而賊又善
於抄伏於羊腸險徑人馬單行衝中絕後伏兵四起我兵心膽俱裂勢所必然其拒戰之法先以火罐亂我隊伍斷之以藤牌

堵牆而進再以竹鍼剋我之鈍刀短矛而以大礮施諸短兵之中我所恃僅有大小火器均因膽怯遠放不能得力蓋我兵全
無護身之具惟以赤身搏戰而彼既多藤牌又木石架支人易藏躲則雖兵多勢眾在在難操必勝者也此賊非種種籌及為
難遂我制其死命之計設一蹶不復川楚之禍必將再見於今而國事危矣合無仰懇 天恩俾 臣專理軍務巡撫地方之

事仍以藩司勞崇光一手經理雖今見陳屢捷 臣總不放心恐提臣向榮為浮言所激而動 臣老矣明知非將帥才不忍知而

不言有一毫不可對青天也前此伊克坦布失事而李殿元宋烜陶玉德均當審實軍前正法少遲緩之三軍冰懼之心變為冀倖臣書至此筆與淚俱茲於咸豐元年正月初六日馳抵廣西省城籌備防守事宜查看水陸要隘製造應用軍器現署撫臣勞崇光駐劄梧州一俟送到巡撫關防臣接受後另行恭報外謹先將到省情形繕摺由驛具奏

敬獻芻言以救時弊疏 咸豐二年

陳慶鏞

賊匪滋事三載於茲竄擾楚粵陷府州縣十餘城

皇上命將出師屢申 嚴旨雖帑項支絀而軍需浩繁已不下二千餘

萬任不可謂不專兵不可謂不多餉不可謂不統兵大員在事文武盡無忠義之心奮激之氣甘心挫衄自取罪尤而警報時聞賊氛未息者有故也民病既亟則民不恤官兵心久乖則兵不愛將民不恤官則團練不足恃也兵不愛將則營伍不足恃也團練營伍皆無可恃雖使有險可扼有城可守如其委而去之何哉為今之計宜請 皇上降罪已之詔以固人心懸不次之賞以作士氣寬脅從之誅以散賊黨練精銳之卒以遏賊鋒請悉言其弊與所以救其弊者為我

皇上陳之夫

州縣為親民之官督撫有察吏之責乃近來州縣地丁則加耗加平漕糧則浮收勒折清廉者尚視為應得之規貪黷者更不免誅求之切加以差徭之苛派胥吏之把持獄訟不決則拖累經年蠲貸 特恩則侵蝕過半上控批迴則以為健訟京控交審

則半屬消彌鬻子賣妻無所顧訴顛連困苦誰則聞知一旦賊匪竄延籌餉練丁惟賴紳富彼富戶則取利操贏紳矜或助官為虐久為鄉里側目貧戶垂涎素無恩義相聯安能守望相助所以賊未至則眾已離心賊既至則轉求快意其或乘機剽竊

消息潛通雖曰莠民可誅實則官吏驅迫孟子所謂民今而後得反之此之謂矣聞賊因長沙柏葉鋪九圍之外遷延觀望迨

賊過河西地方慘遭屠戮鄉民立起十五團賊遂解圍而去向使賊徒狡獪不事荼毒長沙之事亦未可知常得府距賊較近

聞八月間辦理團練經十餘日之久僅得八十餘人團練之難於斯可見又況郴州桂陽皆係土匪嚮導岳州失事官出城外

火起城中固由奸細潛藏未必非民情渙散所致所謂民不恤官則團練不足恃也承平日久軍政廢弛選調無常則將視官

守為傳舍紀律不著則兵視操練為具文演礮演槍不過聲響聯絡習陣習戰不過花法混場徒壯觀瞻無裨實用兵不識將

意將不識士情供役使則鞭責頻加發糧餉則逐層剋扣下怨其上已非一朝所以無事則將虐其兵有事則兵欺其將夫兵

豈不知臨陣退縮軍法甚嚴但以進死於敵死在目前退死於法尚待查辦且一人先遁百人隨之小隊先遁大隊隨之軍法

雖重賞可勝誅又況隊伍既動隊長非因而敗北即死於敵人敗北則兵得借詞死敵則兵且稱快何者將於兵素無拊循教訓之恩兵於將安得有護惜捍衛之意所謂兵不愛將則營伍不足恃也今籌辦防勦僅曰扼要夫險要之地豈可不扼但由粵至楚路徑崎嶇山川之險有過此者乎而賊由永州竄道州如入無人之境岳州背湖南江三面臨水一面倚山康熙年間逆藩吳三桂之勢百倍於今日之賊我兵扼之於中三桂坐困城郭之險有過此者乎今賊匪甫至城已失陷是知天時地利不如人和民心宜固士氣宜作而後賊黨可得而散賊鋒可得而遏也昔禹湯以罪己初興楚莊以仁言勸眾矧今饑渴尤易為功凡百姓之顛沛流離由守令之貪刻兵丁之離心解體由將弁之寡恩守令將弁之失人由督撫提鎮之不職督撫提鎮之不職由簡任之未精特沛綸音深自引咎切責大吏與之更新務令上恩下逮下情上通使兵民知平日之疾苦皆仰荷聖上之痼瘼遐陬僻壤報未能盡周宜刊刻謄黃徧行曉諭唐臣陸贄有云感人以言其本已淺言又不切人誰肯懷贄又云悔過之意不得不深引咎之詞不得不盡故當時詔書宣布聞者感泣矧我國家深仁厚澤二百餘年人心有不威奮者乎人心大振則民與官相依為命兵與將敵愾同仇如子弟之衛父兄手足之捍頭目矣軍興以來奏保奏升已千百員奮勇有功固不乏人瞻徇冒濫亦所不免庸碌之才倣倖一階足以隳將士之氣而奇特之士循例保舉不足激忠義之忱承平時督撫提鎮類多依資遷轉或未經歷事變目今打仗出力著有成效各員若不早為拔擢俾受調遣於庸懦之上司安能盡其才猷得其死力鄭紹良礮傷不避省城賴以保全僅選加銜博勒恭武棄城遠遁岳州因而失事僅予革職一面正法一面奏聞之旨雖降而軍法猶未伸也破格保舉破格錄用之旨雖降而資格固仍限也今若特頒賞格無論大小官員兵民人等有能擒斬逆首予以五等之榮十萬之賞其餘大小賊目分別等差擒斬若干即邀重賞或有才智超羣成效可觀特予大任俾盡所長則人才奮興而士氣百倍矣賊匪攻陷城邑焚掠鄉鎮迫脅良民賊愈蔓延良民之無身家者愈眾賊又不甚愛惜每戰驅之前行或抑之在後以拒官兵年來諸臣奏稱殺數十人殺數百人殺千餘人皆非盡真賊也多半此無身家之良民也此曹動以萬計可盡殺乎即可盡亦非皇上如天之仁所忍出也聞賊脅良民皆令蓄髮或於背面刺太平字此輩一經蓄髮刺字自知罪無可逃遂為賊致死與官兵抗衡今若寬其既往予以自新蓄髮者准其雜髮刺字者更刺悔字或者著名賊目擒斬賊渠率隊來歸既已悔罪立功既照所頒賞格立予重賞一體錄用使賊黨自相疑忌斯賊眾易散賊

勢易衰至於調集民丁尤當精練賊匪在粵不及萬人兵勇雲集將及十萬賊竄湖南更加徵調徒耗軍餉未見有功而長沙守城得力者僅鎮守兵八百名兵不在多其明驗矣今河南調兵約萬餘若於中精選二三千名或千餘名認真教練練其心志使勿二三練其膽氣使勿疑畏練其耳目使勿惶惑一隊之卒愛其一隊之長一營之兵信其一營之將然後講求器械規度戰守三省教匪滋事武員得力莫如楊遇春文員得力莫如劉清聞其出陣皆有親兵數百所向無前今則將領到營派撥兵丁面貌尚不能識安能性命相維乎亡羊補牢猶未為晚失此不圖後將益德江西安徽水師亦令一體挑選教練務使防堵教練兩者相資數月之後勁旅得力賊鋒必挫矣凡此數端似儒生之常談實當今之切務似迂緩之論實救急之方不思所以固人心作士氣而徒言進攻猶驅市人而戰也不思所以散賊黨逼賊鋒而徒言防剿猶抱薪而救火也 國家財用不足早完一日軍務即少籌一日餉需欲求節財之流先求了事之人欲求了事之人先求能慮事之人能慮事或未必能了事未有不能慮事而能了事者也誠得其人而任之賊不足平愚竊之言于冒 宸嚴不勝激切屏營之至

請嚴定防剿章程疏 咸豐二年

曹登庸

竊廣西軍興以來糜餉勞師已逾二載以臣愚昧之見非賊氛之難靖實原在事文武疲玩因循畏罪之心不敵其貪功之念以至經年累月生靈塗炭宵旰焦勞若不嚴定防剿章程何以肅軍威而伸 天討 謹就管窺之見恭擬八條用資採納

一功罪宜信賞必罰也逆匪竄入湖南岳州為兩湖最要關隘迭經 嚴諭於岳州荊州各要隘嚴密防剿乃該郡各官竟敢先行出城該大臣等亦竟毫無覺察玩泄已極僅行拏問嚴參何以振軍威而昭炯戒嗣後逆匪竄擾之處以痛加剿洗設法擒勦使其不能他竄者為上保守城池者次之大員有坐失機宜及守土之背城出走者立行正法庶一鼓作氣而所向無前矣一各處防堵宜嚴而江南一帶尤為緊要也賊由武昌竄河南山路崎嶇尚有數處險要可守兼以琦善統帶重兵前往可保無虞萬一順流而下竄入江南一帶明年錢漕文報事事為難雖已有張煦字恩長二員協同防堵恐不足以當此重任亟宜另行 簡派重臣添撥精兵前往先幾妥為布置以專責成而嚴要隘一軍行宜嚴紀律也向來大兵過處約束稍有

不嚴沿途騷擾其害不可勝言

皇上軫念黎元飭帶兵各員管束兵丁州縣辦差亦毋得藉端濫派體恤誠為周至第恐

該員等不能認真嚴查則下情不能上達止有密派妥員不時於過兵左近地方密為察訪總以一律肅清萬民安堵方為節

制之師一用人不可太拘流品宜隨地招募也 國家承平已久所在不乏秀良而莠民間出如山東河南安徽等處時有著名擒匪不為我用勢將遁而為賊宜開城布公赦其既往厚其口糧必能得其死力化為良強暴亦干城之選矣一各處倉儲宜著實覈查可藉助兵餉也倉儲之設原以防饑饉今當籌餉之際幸各處年歲豐收積儲自應充裕我兵所到即可借附近州縣倉儲以發兵餉既免飛輓之勞實屬糴糧之助一鄉城均宜認真團練以防土匪也團練之法以之禦敵似難為力如果地方官能與紳民同心協力辦理得宜作其義勇之氣堅其守助之心以防土匪之竊發尚易為功況團練認真則土匪無所容亦必化為壯勇矣一軍中文報宜覈實也近來外邊摺報粉飾多詞動曰殺斃多名奪獲器械多件甚至不計其數聞有損傷等語累牘盈編不可枚舉將以專 國體而國體之尊不繫乎此抑恐惑人心而人心之惑因而滋甚以後文報中似此等浮泛套語概宜 嚴飭禁止以防含混一廣西軍功議敘宜酌量撤銷也賊由廣竄擾湖南廣西文武諸臣既不能先事豫防又不能出奇制勝迅掃妖氛致令竄入楚境而得獲敘者紛紛不一所以賊入湖南該員等來不剿去不追甫解長沙之圍亦遂立請獎敘而兵州竟以度外置之何喪心昧良若是以為賊至湖南則與廣西無涉至湖北則又與湖南無涉相率效尤何所底止除湖南獎敘之請不准外若不將廣西軍功議敘撤銷何以警將來而懲惡習

密陳賊勢愈熾勦賊需人疏 咸豐三年

雲南巡撫 吳振械

竊^臣等於本年正月十一日准署湖廣總督^臣徐廣縉咨稱武昌省城失陷文武各官均已盡節其撫藩臬道府縣各印信俱落賊手恐賊人詭計百出有詐偽行文事件移知查察等情^臣等接閱之下憂憤填膺當食不能下咽我 朝二百年來

列聖深仁厚澤洋溢寰區即嘉慶初年秦蜀楚三省叛匪滋蔓六七年從無攻陷省城戕害巡撫大員之事茲逆賊如此猖獗人神共憤滅亡當在旦夕現在賊又奔竄何處 欽差大臣如何督勦雲南地處僻遠^臣等尚未得其詳惟自軍興以來辦理節貽誤^臣等每恭閱邸抄及准軍營公牘參之各處探報情形均多不符大約報勝則少實多虛市恩則有賞無罰軍紀不立 國法已墮將不畏法而畏賊兵不畏法而畏戰大帥每以調兵並餉為諉延之計營員即以奉令持重為自便之私掩飾彌縫貽誤至於今日生民塗炭 宵旰殷憂凡屬臣工莫不痛心疾首急思殄此賊氛苟稍有所見何敢緘默不言溯自咸豐元年賊人竄入永安州城彈丸一邑我兵勇有數萬之多閱時已及半年糜帑不下千萬未能損賊毫毛仍縱賊結隊整軍

而去此大帥之調度乖方前已奉 旨嚴譴嗣是賊蹂躪湖南各州縣所向無前其城守不力之文武各員至今未聞譴戮一人其追剿不力之大小將弁至今亦未聞譴戮一人尤甚者當賊匪臨城棄城而逃之提督余萬清不於軍前正法乃虛擬一死罪解送刑部此事機之一誤也迨賊輩聚長沙城外所踞不過數里之地所剩不過數千之賊我兵練數萬畢集城外各提鎮將領四面紮營其時正值我 皇上改易大帥特命兩廣總督徐廣縉署理兩湖總督作為 欽差大臣中外欣欣無不翹首跂足謂賊可指日蕩平不料徐廣縉於九月十六日自桂林起身距長沙不半月程遽延四十餘日至十一月初一日抵長沙塗中又一無布置以致此數十日中長沙主帥無人在事者祇能就城守之兵保護城其城外紮營各客將驕蹇者驕蹇畏蕙者畏蕙無一用命之人亦復無命可用故賊於我兵勇數十營盤中間從容搭成浮橋兩座無一人過而問者十月十九夜賊匪數千攜挈婦稚乘與騎馬從容渡浮橋而西我數十營盤兵將如林無一人醒而覺者即覺亦無一人過而問者賊已西竄甯鄉益陽徐廣縉猶安坐湘潭賊已由益陽林子口北竄岳州徐廣縉始敢行抵長沙到處延挨趨避不進全不計及兵貴神速之義其先事派往截賊之廣西提督福興迨湘鄉畏法不前任賊西竄不敢阻遏其臨事派往追賊之提督銜向榮甫至益陽即打敗仗損將折兵不敢再戰此事機之再誤而其誤為尤大也岳州城中本有奉 特旨帶兵在彼防堵之提督博勒恭武又有湖北鹽道王東槐同駐城內辦理防堵誠以岳州為湖南北咽喉假使岳州不失賊何能越而至武昌漢陽哉詎十一月初二早晨博勒恭武聞賊將至即首先出城帶兵而逃鹽道王東槐繼之岳州府巴陵縣亦相率逃遁初三日午刻賊始至岳州城大開賊從容而入此與開門迎降何異並非力屈失守也乃博勒恭武託言出城迎敵禦賊受傷竟回武昌試問博勒恭武係初二日出城賊係初三日始到岳州相距一日不知所禦何賊從何處受傷此其說不待智者而知之乃未將博勒恭武王東槐及岳州府巴陵縣一并軍前正法猶令延緩倖生實不足以昭警懼夫博勒恭武等之膽敢棄城而逃者粗於余萬清之不死也今博勒恭武等又不死矣此事機之三誤而其誤殆將不可收拾矣現在賊匪已踞武昌漢陽二府城地當南北之衝驛路為之中梗賊勢益張賊志益大賊膽益橫其裹脅亦益眾三江豫蜀鄰省無不震驚漕運銅鉛道途悉為艱阻釐關稅常賦亦因以虧折雖蒙我 皇上特飭各鄰省督撫派兵防堵迎頭截擊然路既水陸紛歧竊恐防不勝防賊或避堅趨瑕更恐擊無可擊剿辦之難較之賊匪未經竄過岳州以前相去何啻倍蓰 臣等訪詢輿論僉謂徐廣縉此番大失

人望且已為賊所輕深恐難了此事仰維我

皇上聖謨廣運黜陟用舍自有權衡

臣

等何敢侈口妄談竊以當此時事孔

急再誤三誤實不可更誤矣此非主帥得人斷不能迅掃邪氛以安疆域如勲臣宿將簡在有人天下幸甚否則如署河南巡撫臣琦善心非甚純而才力膽足威望素著湖南巡撫臣張亮基威望較輕而饒有才略實心為公臣等愚昧之見擬請

皇上於此二人中簡擇一人授以欽差大臣關防不必兼辦地方事務專責以剿除賊匪庶可期收成效抑臣等更有請

者時既需才可用可破格謹就臣等所素知者舉二人以備

采擇一為現任貴州黎平府知府胡林翼一為現任軍前帶練

之候補知府江忠源均湖南人兩人才識膽略均足以當重寄其經濟可以治軍旅其公忠可以激頑懦其耐勞習苦可以愧

屬諸將而率作士氣准該員等分位尚卑若僅留之軍營差遣委用仍不過與驕寒畏蕙之將領分效馳驅一傳眾咻終歸無

益勢非重其事權不足以展其長而資其力擬請

皇上破格施恩賞給二三品頂戴作為幫辦大臣俾得同心協力一意

剿賊庶幾軍威克振而賊匪可以計日廓清也

臣

等受恩深重目擊時事如此中夜旁皇偶有所見不敢不據實直陳干瀆

宸嚴不勝悚惕之至

將取真才兵歸實用疏

咸豐三年

鮑源深

竊以江南三城久未收復皖省賊勢甚張獨流一股又未能迅就殄滅就現在之勢而言南路之賊勢高遠北路之賊勢甚孤似無足深慮而實有大可慮者畿輔之賊勢屢受懲創未克殲除以一股之餘氛困我兵之全力萬一南路之賊再行北犯何以待之即不然我之兵力疲弱軍餉空虛天下皆知萬一畿輔河朔之地另有覬覦起衅者又何以待之再不然天下之物力不通各省之捐輸日竭相持愈久萬一糧餉不繼兵漸潰散更何以待之此其患皆在人人意計之中而惜無有出一策以匡救者也溯自軍興以來朝廷命將徵兵亦幾不遺餘力而迄無成功者非兵不厚也非將無人也有將兵之材或兵力太單彼此不能兼顧或兵權分寄指揮未克裕如而千萬勁旅統非其人反以有用之兵置之無用之地坐令良將無功聲威漸減精兵不戰銳氣日銷甚可惜也夫處今日而取將士豈必其具孫吳韜略韓范諶猷但其人素肯留心兵法臨事親歷戎行既能與士卒同甘苦而得其效死之心復能以一身先士卒而作其敢前之氣亦庶幾收用兵實效不徒負大帥虛名今也用以督師之大臣不問其知兵不知兵但取名位尊崇者任之夫名位尊崇之人或以資格而薦列崇階或因他長而超躋顯秩豈

必皆將帥才哉昔漢高之任蕭曹不可謂非良相而授以兵權者乃在一軍皆驚之韓信無他才不能不可強也其人雖通儒而不習醫者不能強使治病其人雖良吏而不知兵者不能強使治軍國事之安危所繫兆民之生死攸關此何如事而顧不問其知兵不知兵徒取名位尊崇者任之幾何不憤厥事哉賽尚阿陸建瀛等其前鑒矣今揚城久未收復分股之賊四出竄擾論者輒羅琦善等擁兵坐視縱寇殃民以臣愚之琦善等受恩深重膺茲委任斷無有意稽延之理特恐因分位自尊上下睽隔臨事既不能親身督戰平時又不能與共甘苦將帥不得士卒之心士卒不用將帥之命以致老師糜餉久無成功則止所謂統兵非其人反以有用之兵置之無用之地甚可惜也方今諸將帥中能作士氣而得兵心者似無過向榮勝保江忠源三人之三人者皇上聖明灼見特加超擢者也士民之所仰望賊眾之所畏懼方其初所向有功至於日久而亦未能處處得手者江忠源無兵權向榮兵不足勝保權不專是以均未克盡其材耳夫有材而使不能竟其用與無才而強使之任其事均足以誤事機而貽患國家今敬請皇上為將取真才兵歸實用之計撤回琦善以淮揚之兵并歸向榮統領責令剋期收復揚城進圖金陵鎮江以清沿江各處之賊撤回慧誠等以淮徐之兵數千交江忠源兼帶練勇責令剋期收復安慶保固蘆州以清皖省各處之賊至於靜海獨流賊匪特江南之分股耳有勝保為欽差大臣又以親鄰王督師夫以王督師此未可輕試者也必一戰成功始足大伸天討儻久不肅事何以再振國威應請令僧王仍專巡防之任鞏衛京城而以僧王之兵并歸勝保統領責令剋期收復靜海以清畿輔之賊如是則責有專屬庶可迅速奏功矣

敬陳時務四條疏 咸豐三年

許乃普

竊自逆匪滋事以來隨處剽掠荼毒生靈天地所不容神人所共憤且伏見皇上憂勤湯厲宵旰焦勞每召見廷臣輒至日昃凡在臣工宜如何殫籌竭慮以期稍裨高深謹就管見所及酌舉四條恭呈御覽一京城人心宜靜鎮也逆匪伎倆本屬無能第以統師大員各擁重兵遷延觀望以致賊勢猖獗蔓延各省如此次竄撲撲汴城之匪業經擊退劉家口賊船被擊沈溺可見要隘地方如果加意防守自可遏其奔竄之路現在逆匪竄往朱仙鎮中牟縣等處至安慶歸德二城是否收復外間傳聞鈔抄但見山東直隸急籌防堵京城內外浚濠設兵道路訛傳紛紛四起應請明降諭旨安輯民心一面嚴飭帶兵大員激發天良銳意進剿儻有疏虞違誤立即明正典刑又如本月二十一日奉上諭張芾奏九江失守因公出境

各員請免置議等語著該部查覈具奏欽此臣伏查九江於正月十一日失守乃遲至數月之久請奏免議民間訛傳九江又復失守江西京官多告假出京人心不無惶惑嗣後遇有此等奏報似應實填從前月日方足以清眉目而免驚疑至嚴拏奸細等事尤宜不動聲色密為布置庶不致聞風潛匿總期於儆戒無虞之中仍寓好整以暇之意則眾志堅定訛言不生即遵從者亦不待禁而自無矣一外省督撫帶兵剿賊宜不分畛域也查從前湖南湖北江西安徽江南等省皆先期屢奉諭旨加意防堵乃賊匪一至聞風先潰以致蔓延是防堵多屬虛文已可概見現在逆匪擾及豫省與山東直隸處處接界若但坐守本境空言防堵不特遲疑鬆懈坐失機宜萬一賊匪猝至必致驚惶無措藉詞退守應請皇上嚴切責成山東直隸督撫各帶精兵多設偵探合力兜剿如探悉逆匪蟻聚何處無論本省鄰省地面但使確有賊蹤即速擒其不備來虛截擊必獲全勝又黃河隨處宜防本年五月初八值壬子破日俗忌謂應防水患現在都門時雨時暘感欣上稔而東南兩河距賊蹤甚近自當防其偷渡尤須防其偷決應請旨密飭東河南河總督及查河大臣實力稽查分段防守以專責成萬一稍有疏虞作何治罪之處亦應明定章程俾在事各員咸知加意防範至山西陝西與河南交界各處固應分守要隘並請飭下各該督撫一體進兵務令斬馘擒渠倣照前人勦勒之法合力辦理則逆匪指日蕩平矣一賊蹤逼近地方請將府縣監獄重犯先行正法以免勾結也聞逆匪每陷州縣輒開獄縱囚派充牌刀手此等重犯本屬亡命之徒一旦出死入生甘心從逆每與官兵接仗拚死向前如廣西之馮雲山廣東之凌十八皆係獄囚倖逃顯戮遂致助逆鴟張此次安徽滋事業經殲斃之陸遐齡本安慶府監犯正月間賊陷安慶時縱令滋擾廬鳳一帶即現在竄擾河南之賊聞亦多陸賊餘黨若使早正典刑何至任其乘更殘害無數生靈應請將距賊較近之各府州縣監犯除情罪較輕者毋庸議外其強搶重案及火器殺人在獄待決者不必聽候部覆准其就地即行正法如由臣部查覈行文不特時日有稽且該處距賊遠近情形亦難懸揣准有仰懇皇上嚴飭該督撫隨時隨地酌量緩急密飭各屬妥速辦理仍一面正法一面具奏斷不可狃於流俗積陰功之說暫脫一重囚之命於旦夕而致千百人之身家遭其荼毒似亦豫除逆黨之一策也一防勦經費應責令失事之帶兵大員及督撫司道分成罰賠也向來河工失事均令在事人員分別攤賠原以國家經費有常此等失事人員漫不經心虛糜帑項若僅照例斤革不足動其儆畏之心轉得遂其侵漁之計嗣後奉命防勦之統兵大臣及督撫司道如果屢獲勝仗收復城池或防堵嚴密

賊匪不能入境准令開銷經費其防剿疏辦致賊竄擾者照例治罪仍請解部監追分成著賠以前廣西湖南湖北及九江安慶金陵揚州等處失事各員除已殉難者毋庸議外其餘皆有防剿之責或遽延貽誤或遇賊即逃皆屬糜帑殃民罪無可逭即應援照河工舊章將用過防剿經費責令分別罰賠至如何分成勒限完繳之處請 旨飭部詳查覈議具奏恭候 聖裁庶防勒各員均知儆畏而經費亦不致胥歸無者矣

通籌防剿大局謹擬製辦船礮疏

駱秉章

竊逆賊本年三次上竄疊經官軍竭力攻剿仰仗 皇上威靈將士忠勇奮發水陸連獲大捷餘賊畏膽下竄湖南地方一律肅清提臣塔齊布羊職前禮部侍郎臣曾國藩即當遵 旨整軍東下臣前奉 諭旨任楚鄂交界地方妥善防堵仰見我

皇上洞燭幾先通籌東南大局必上游水陸諸軍隨剿隨進而後江面之肅清可期必岳州地界防守嚴密而後楚蜀滇黔兩粵無虞而東下之水陸兩軍餉道亦可無梗 聖謨廣運欽服難名竊維天下大局西北之形勢在陸利用車馬東南

之形勢在水利用舟楫自逆賊狂竄以來糜爛數省瀕水郡縣生靈受其荼毒擄手日眾兇饑日張所以縱橫恣肆未能遏其衝突者賊掠取江湖舟艦以數萬計長江數千里民船為空沿江險要均為賊踞一旦順風揚帆伺便狎至官軍有陸路而無水師來莫拒而去莫追以致坐受其困自奉 明詔籌辦舟師始有湘潭岳州諸大捷逆賊大股剿敗疆圉危而復安此則

舟師協剿之明效也臣維楚鄂交界險要地方無過岳州城北十五里之城陵磯荊河口兩處而兩處對岸相距不逾十里湖南全境之水入湖由城陵磯而入江四川全境之水入江由荊河口而東下水道守此湖南一省固可無虞即湖北之荊州宜昌以及入川水路均可控扼所謂地有必爭者此也然欲於此設防為重扼上流之計自不得不籌備水師欲籌備水師自不得不籌備船礮兼購木簰以重其險此防守要隘所宜預為籌及者也且賊勢猶盛賊船復多非節節攻剿不能以次收廓清之效臣曾國藩所統水師船礮本不為多七月十六日登州鎮臣陳輝龍接仗失利所失船礮不少雖經臣曾國藩多方整理漸已復振然戰船時須修脩礮械時須添補倘攻剿喫緊之際一物不備恐致坐失機宜此又接濟太營所宜預為籌及者也湖南頻年以來兵端疊起軍餉浩繁庫款久空專盼捐輸接濟雖明知製船鑄礮為今日萬不可緩之舉而力艱時絀興辦為難兼之紳民捐輸籌餉之外人有捐輸城工及本地團練經費一戶數捐筋力俱乏未可強以所難正在再四籌畫之時連日

接見存籍前翰林院侍講學士于善慶前工部員外郎陳本欽同知銜即選知縣唐際盛鹽提舉銜舉人李榮等談及防勦大局並宜製備船礮意見會同該紳等均稱水陸官軍既連獲大捷正宜及時妥籌防剿以期保衛鄉里協濟樓船紓聖主宵旰憂勤之意惟洋礮一項未諳作法前蒙奏調浙江候補知縣龔振麟及其子之棠如能速攜鐵模來南固可即由紳局捐資鑄造倘來此需時誠恐緩不及急即由官咨催廣東採辦夷礮以濟急需至製船工料併旂幟軍械一切均由紳設局捐辦製造大小戰船百餘隻如捐項較多再行添造現在一面採購船料擇吉興工一面分投勸捐以期迅速臣查該紳等當茲餉需匱乏之時猶能力肩重任倡義集資捐辦實為難得湖南民風敦樸夙重節槩即此可見上年曾奉諭旨紳民人等清願催備船礮隨同勦賊著該督撫等隨時保奏獎勵今該紳民捐貲監造更與催備不同可否仰懇天恩俟船礮造成估驗合用即照籌餉例給與各捐生獎敘以昭激勵出自鴻施此項船礮既由紳捐辦將來自應免其造冊報銷容臣於專案奏獎時再為聲明

覆陳鄂督敗退武昌失守情形疏

略東章

竊臣於三月十三日准兵部火票遞到軍機大臣字寄咸豐五年三月初三日奉上諭本日據楊霽奏稱武昌省城於上月十七日失守巡撫陶恩培等力竭捐軀覽奏殊深憤懣現據楊霽奏胡林翼王國才石清吉等兵勇約計雖有六七千人惟糧餉缺乏急須接濟川陝各餉尚未解到賊眾兵單金口南岸恐難駐紮若湖南就近可以接濟金口尚能駐紮則相機進剿若不能駐紮則設法渡江上扼漢川以固荆襄門戶等語著略東章悉心籌畫湖南兵勇倘有可抽撥即當派委得力將弁管帶馳赴下游速為援應所需糧餉就近設法接濟如或該省兵勇不敢抽撥而胡林翼等兵勇又復上扼漢川則金口一帶勢難兼顧恐逆匪乘虛上駛該省與湖北毗連在在可慮尤宜於南北交界處所水陸要隘加意嚴防毋得稍有疎懈將此由六百里加緊諭令知之欽此仰見我皇上通籌大局宵旰憂勤之至意臣前次接准北撫臣陶恩培械知鄂省情形即籌撥餉項軍火並增募勇千餘名配以單船礮械資以鹽糧飭赴鄂省又因胡林翼一軍甚單飭駐岳防守之守備譚瓊林帶勇六百名及候補臬司魁聯於所帶楚寶各勇內抽撥五百名赴鄂助剿均經奏明在案嗣因逆匪勾結興國通山等縣賊匪竄擾崇陽通城分黨竄擾蒲圻窺伺南省之臨湘平江兩縣守備譚瓊林之勇未能即進魁聯所帶之勇亦難以抽撥分擾蒲圻

賊匪旋聚竄通城三月十六二十兩日賊匪八九千人連撲平江縣北界二浴市營盤經臣預派管帶平勇五品銜即選知縣何忠駿李源濬即選訓導黃崇策即選從九黃錫宇守備銜千總方城等會合練勇團勇兩次奮擊斃賊三百餘名生擒三十餘名內有偽指揮田士林一名滿髮賊一名偽指揮徐大志執令長髮賊饒敦五碗尉楊至微偽先鋒楊時汰熊良鳳偽司馬偽兩司馬各一名立即正法奪獲大砲五尊抬砲兩尊抬鎗二十五桿馬鎗五十八桿鉛彈九桶火藥十五桶黃馬褂二件刀矛黃巾旗幟不計其數賊匪敗後仍未遠竄現飭各界加意嚴防而催譚瓊林由臨湘星馳前進像通城事定再添派勁旅赴鄂聽候胡林翼調遣北省水陸兩軍盼餉甚殷本省司庫早空無可接濟已撥糧道庫項銀一萬兩錢一萬串委永州府知府張承實解往又代墊江西應解還湖北銀二萬兩委候補知府厲雲官解往並搭解軍火鍋帳等件凡水陸各勇由湖南赴鄂援剿者其口糧概由湖南支應合計解赴湖北款項已浮於督臣原咨三萬兩之數多矣但金口水陸各營每月需餉項六七萬之多湖南一省既無從剝肉以醫瘡金口諸軍亦終難望梅而止渴應請 勅下湖廣督臣荊州將軍四川總督源源接濟俾武漢兩城迅速克復則湖北之幸亦東南大局之幸也至督臣所慮金口不能駐紮胡林翼等應設法渡江上扼漢川以固荊襄門戶奉 諭著臣悉心籌畫臣思督臣始終堅執者防賊北竄四字以北竄之患倍重於南可藉以為詞耳防賊北竄不能不歸重荊襄荊襄者南方可由之以進窺陝豫北方可由之以窺關江楚自漢魏六朝以迄宋元皆以荊襄為重鎮蓋當南北割裂彼此爭戰之時其計不得不出於此若以現在形勢言之則江西湖南兩省雖屢被賊窺形勢猶完湖北安徽兩省皆有重兵討賊勝負尚未可知設使湖北水陸兩軍移駐漢川則長江千里盡委之賊其將置東南於不顧乎曾國藩塔齊布水陸兩軍隔在江西前後皆賊聲息中斷在在可危更有直搗金陵之望此臣之所未解者一也移駐漢川亦祇能禦上竄襄陽之賊其於荊州無足輕重逆賊水陸並進荊州門戶何存此臣之所未解者二也胡林翼等陸軍即繞道上駐漢川水軍無所依附勢非退守監利之螺山岳州之南津港不可為湖南門戶計尚未為失然武漢黃各府豈可度外置之水軍既去則武漢黃之克復無期此臣之所未解者三也督臣動謂賊眾兵單不思廣濟失利之初賊之前隊尾追督臣實不過千餘督臣麾下兵勇萬餘亦未為少乃退黃州未一日即退漢口退漢口一日即退漢川由此而德安而隨州今且退至棗陽矣是北竄者賊也引賊北竄者誰乎督臣以餉缺為詞此日之餉誠絀矣不思自武漢克復之後督臣所用之餉不下二三十萬召募川

楚無藉之徒臨時能得一割之用乎此輩散處民間恣淫擄掠無所不至洵洵之勢將何所底乃仍不知變計餉絀至此猶且
隨意召募此臣之所未解者四也夫以形勢言之荊州據江水上游襄陽據漢水上游而武昌漢陽為之鎖鑰是荆襄者中原
之門戶而武漢者又荆襄之門戶也扼賊北窺必固荆襄欲保荆襄必守武漢此固一定之局督臣既知北窺為重何以舍武
漢不守而先顧荆襄既謂上扼漢川可以固守荆襄門戶何以舍漢川不顧而節節退走且胡林翼王國才等軍不能克復漢
陽又何能設法繞道以進扼漢川武漢黃德既均未克復胡林翼等縱能繞道而至漢川亦以孤軍而駐於四面皆賊之地又
何能為荆襄門戶計乎此臣之所未解者五也臣與督臣並未謀面亦未嘗共事一方本無夙嫌祇以大局關係非輕若不據
實直陳於心實為不忍臣自蒙 恩復任湖南巡撫以來鬚髮盡白咯血舊疾近益增劇僚屬紳民實所共睹雖值此時勢艱
難萬不敢存乞休之想而自顧精力衰頹日甚一日職分應辦之事竭蹶不遑更何敢侈談大局特奉 諭旨令臣悉心籌畫
不得不披瀝愚忱

奏報邊地剿匪情形疏

魏光燾

為營團力解普圍進復飯朝分路追剿游匪迭獲勝仗現飭沿邊揀捕會粵堵剿恭摺仰祈 聖鑒事竊滇省廣南粵邊游
匪大股竄陷飯朝普廳被圍廣南府城告警比將籌辦情形馳報在案查廣南府與粵省犬牙交錯東南北三面與之毘連飯
朝係屬東大道東距剝隘二站四距廣南府城六站而由廣抵剝八站以距府四站之普廳為道中之地上年劉萬勝統率綏
靖六營到廣以坐營紮普廳居中策應餘悉聯團散布沿邊各隘此次聞飯朝普報即調集白金柱李德泳鍾春芳各營赴援
中途被阻探知飯朝已失普廳尤警俾繞由間道於三月十四五六等日先後達普該匪意圖上竄窺襲廣南大股由北路竄
過馬鞍塘燒掠坡房那莫等寨折而西趨沙斗辣子塘石岡坡以次佔踞進逼羅貢斷我普廳後路糧援弗通而東路之四亭
子瓦搖東北之花中那耶處處有匪以牽制我師剝隘更孤懸於外勢成坐困經臣電飭開關函達約會調集營團內外夾擊
必待上游掃清而後可會合諸軍徐圖復飯之計因飭王國賓之團練副左營開赴羅貢協同應麟嚴加堵禦調回黃開科之
正字營扼西洋黃信興之正左營扼板蚌均屬相機進剿十八日四亭子瓦搖之匪分途上犯白金柱李德泳率隊迎剿於距
普五里許之小黑山鏖戰兩時之久匪傷數十名敗入那謝天雨近黑收隊而還十九日寅刻白金柱李德泳鍾春芳各率所

部及正中營分路圍攻那謝斃匪數十名匪潰走白金柱設伏山後活禽四名奪獲馬匹偏碼帳棚等件申刻收隊我兵帶傷三名二十二日白金柱等率隊進攻沙斗琮子塘之賊頃刻間大股屬集漫山遍野當即揮兵奔擊斃匪數十割取耳級八副匪勢稍却各勇乘勢衝入中心匪忽分股圍來槍砲環轟漸逼我軍且戰且退連環收隊而出查點陣亡教習一名勇丁四名此十八至二十二等日彼此接仗小有勝負之情形也二十四五等日黃鳳岐率同富州通判王正雅攜帶所部兩營由羅貢改趨八播并催王國賓整團前進是日謝有功亦繞南路抵晉所遣郎恒防地交新募續備營管帶張榮填紮白金柱新募猛兵三百亦已取齊兵力愈厚共約大舉夾擊二十七日劉萬勝飭白金柱李德泳督率全隊分道西上匪各佔據石岡坡響水洞等處山坡槍砲環擊相持良久忽有悍匪一股從山坳抄出李德泳奮力堵禦白金柱麾兵繞出其前倒戈迴擊斬獲無數匪勢潰退是時已申刻矣迺一股甫平一股又起更番換戰竟至徹夜不休二十八九兩晝夜亦復如之當白李兩軍酣戰之際適黃鳳岐所派哨弁禮蕭章及王國賓團營亦抵本郎遙遙瞥見遂分兵兩路馳援一由後山翻擊一由山右截剿該匪等久戰力疲忽見援師突至知不能敵紛紛潰退竄向那耶而去次日白金柱李德泳奪取石岡坡斃其頭目搜獲調匪簿記跟蹤追剿復攻沙斗琮子塘等處踏毀賊壘於是上游中路無賊蹤矣是役也共斃匪千餘名斬首三十六級內有渠魁偽羅四大王奪獲洋號一對快槍五杆軍械牛馬無算我軍亦傷亡三十餘人此二十八九日先後與匪接仗殲除悍股之實在情形也及四月初一二等日白金柱李德泳進攻洞匪營屢戰兩晝夜破殲悍黨復率隊馳剿那耶逸匪行至中途即據頭隊管帶馬萬里回報該管帶於初一日跟蹤追剿匪等一面拒敵一面放火燒屋紛紛潰竄花甲當飭分兵往花甲截剿是日副將黃信興攻克北路新街下阿甲賊寨奪回被擄男女四人水牛十六條初四日黃鳳岐王正雅王國賓等率領營團會與普廳與劉萬勝面商復飯之計次早即分三路進兵白金柱李德泳取道洞坡以攻其左黃鳳岐王正雅繞四亭小路以襲其右謝有功鍾春芳與正中營直搗中堅未至飯朝里許有溪灤山溝突出伏匪二百餘人我軍圍而殲之無一脫者踞飯匪黨望而狂奔遂將飯朝收復隨遣謝有功率隊馳援剝隘先是駐剝管帶董義已於三月二十六日因糧盡援絕剿匪不利咯血而亡幸謝營趕到危地賴之以存此普團解後軍威大振匪勢瓦解一戰而復飯朝並克救回剝隘之實在情形也匪股潰走仍分兩路竄逸其由北路者經領王國賓白金柱劉萬勝等追剿於三湘洞匪已他竄又四十餘里截之於平松毛端斬獲多名餘